

## **თამარ გოგოლაძე**

### **სვანეთი სიმონ ჩიქოვანის პოეზიაში**

პოეტ სიმონ ჩიქოვანის პოეზია გამორჩეული ნაწილია მე-20 საუკუნის ქართული ლირიკისა. ღრმითი კატაკლიზმებისა თუ მიმართულება-სკოლების ცვლის მიუხედავად, მეცნიერი თუ მკითხველი მას იმავე ესთეტიზმითა და აზრის სიწრფელით აღიქვამს, როგორც ადრე, შემოქმედის სიცოცხლეშივე. ლუი არაგონის სიტყვებით რომ ვთქვათ, თუ “საქმე ეხება მწერლების კლასიფიკაციას იმის მიხედვით, “... რომელ ჯგუფს ეკუთვნიან ისინი, არ უნდა დავივიწყოთ, რომ ეს კლასიფიკაცია თვითონებურია და პირობითი”, მაშინ, თუ “... ამ მიმდინარეობებს იქით ვერ დავინახავთ იმას, რასაც ისინი ასახავენ, რადგან მწერლების ისტორია — ეს არ არის მხოლოდ ლიტერატურის ისტორიის ერთი თავი...” (ს. ჩიქოვანი, 1975, გვ. 9), მით უმეტეს, რომ 21-ე საუკუნის 10-იანი წლების გადასახელიდან ვუყურებთ და თავისუფალი აზრი ბარიერს არ ეჭახება. დიახაც, თავისი ეპოქის შვილი იყო სიმონ ჩიქოვანი, ფუტურისტიც, სოცრეალიზმის წენებში მოქცეული, მაგრამ საოცრად პოპულარული სწორედ თავისი უმშვენიერების ლირიკით, სადაც შინაარსი და ფორმა არ ეჭახება ერთმანეთს. თუ 1932 წლის საკავშირო ცეკვას დადგენილების (“სალიტერატურო-სამხატვრო ორგანიზაციების გარდა ქმნის შესახებ”) ყველა განსხვავებული იდეურესთეტიკურ პოზიციებზე მყოფი ხელოვანი, ფორმალიზმისა და ნატურალიზმის წინააღმდეგ გაჩაღებული ბრძოლის, ხორციელად კი გადასახლებისა და დახვრეტისათვის განწირული, ასახავს რეალობას, არ უნდა გაგვიკვირდეს ლირიკის გადასარჩენად გააზრებული თუ ქვეშეცნეული პროცესის მონაწილის დაინტერესება კომკავშირით, წარსულის უარყოფით, უკეთესი მომავლისთვის თავგანწირული შრომის შექმნით, უწივნურობის აღმოფხვრითა და ცხოვრების “კომუნისტური თვალთახედვით” გაუჩინობესებით.

ასე წარმოუდგება 21-ე საუკუნის მკითხველს, თუ მკვლევარს ულამაზესი ლექსების ციკლი მთაზე, რომელიც 20-30-იანი წლების მიჯნაზე სვანეთში და ვაჟას ნაკავლევზე მოგზაურობის შთაბეჭდილებების ქვეშ შეიქმნა.

მით უმეტეს, რომ მისი დაბადების დღეს ცას ერთი ვარსკვლავი მოსწყდა და გალურსულ მთებში ჩაიგარგა: “სიყრმის უამს ძლიერ მაკვირვებდა, თუ რისთვის გადაინაცვლა იმ ვარსკვლავმა შორეულ ციდან მახლობელ მთაში... მას შემდეგ დავეძებ იმ მოწყვეტილ ვარსკვლააც” (ს. ჩიქოვანი, 1975, გვ. 5). ვარსკვლავს დაეძებს პოეტი სვანეთის მთებში ციკლით “მთაო, გადმიშვი”, საიდანაც სვანეთთან დაკავშირებული რამდენიმე ლექსი შევარჩიეთ მწერლის სულიერი სამყაროს პოეტური წარმოსახვის ჩეტრისტებისათვის: “გადასვლა გორგაშვე (1929-1939 წ.), “უშგული” (1929 წ.), “სვანეთში გაგზავნილი ბარათი კომკავშირელ ქალისაღმი” (1936 წ.), “სვანური იავნანა” (1929 წ.), “ბარათი მთიდან” (1929 წ.), “სვანეთის გზაზე” (1951 წ.), “ლრუბლებს ჩავუთქვი” (1947 წ.).

შერჩევა შემთხვევითი არაა. სწორედ აქ მოჩანს ის ძირითადი პროცესები მწერლურ ლაბორატორიაში, მისი ე.წ. იდეურ სახეცვლილებასა თუ

თავისთავადობის შენარჩუნებისა, რასაც სვანეთში ყოფნამ, იქაურმა შთაბეჭდილებებმა შეუწყო ხელი.

როგორც 70-იანი წლების ლიტერატურათმცოდნე გიორგი მარგველაშვილი პოეტის შემოქმედების ოთხტომეულის წინასიტყვაობაში (“სიმონ ჩიქოვანი”) შენიშვნას, “ცხოვრების იმ ქარიშხლიანმა ღინებამ, რომელმაც ჩვენს ქვეყანაში ოცდაათიანი წლების დამდგეს იჩინა თავი, მისცა მყარი ნიადაგი და მტკიცე საფუძველი პოეტის შემოქმედების ახალ გაქანებას, “შის ფერიცვალებას” (ს. ჩიქოვანი, 1975, გვ. 22).

რაში გამოიხატებოდა, მკვლევარის აზრით, ეს ცვლილება? “თუ ოციან წლებში სიმონ ჩიქოვანის ლირიკის საუკეთესო ნიმუშებსაც კი დაპკრავდა ერთგვარი ელფერი განყენებული პოეტური აზროვნებისა, პოეტის შემდგომმა ძიებებმა მიაკვლიეს იგი სწორედ სახეების მზარდ კონკრეტობასთან, აღწერისა და თხრობის ხაზგასმით ეპიკურ ხასიათთან, ხშირად ლექსის შეგნებულ პროზაიზაციასთან (ს. ჩიქოვანი, 1975, გვ. 20). იყო, არის თუ არა, დამახასიათებელი სიმონ ჩიქოვანისათვის?

რა იყო?

“ფუტურისტები თავიანთი ყურადღების კონცენტრირებას მოძრაობასა და სისწრაფეზე ახდენდნენ. ისინი უარყოფნენ საყოველთაოდ მიღებულ ნორმებს, ფარსულის მემკვიდრეობას და გამოცდილებას ... მათ მიაჩნდათ, რომ ძველი სამყარო ძალითა და ბუნტით უხდა დაენგრიათ და აეშენებინათ ახალი, რომელშიც ადამიანი ძველი პირობითობებისაგან თავისუფალი იქნებოდა”. (ხაზი ჩვენია — თ. გ.) (ნ. გაფრინდაშვილი, მ. მირესაშვილი, 2008, გვ. 251).

“სიბნელემ ჩანთქა მთელი გორგაში  
ისე, რომ თვალთან თითს ვერ მიიტან

მაგრამ წითლდება სხივით ლატუარი  
ლრუბლებში სხივი აშენებს შუქას”

(“გადასვლა გორგაშზე”).

დღეს ცვლის ღამე და ღამეს დილა, როცა მეგზური სვანი მიუძღვება პოეტს გორგაშზე.

“შემოვიდა ვაჟი მშვიდი,  
მიუხურა კარი ქარებს.

ორთქლი იდგა სვანურ სუფრის  
ვერ დაგვძლია უკუნეთმა”

(“სვანეთში გაგზავნილი ბარათი კომკავშირელ  
ქალისადმი”).

ღროის მონაკვეთები სწრაფად ენაცვლება ერთმანეთს...

სურვილი სიახლისა, ფუტურისტი სიმონ ჩიქოვანისათვის გაურკვეველის, ახალი, რეალისტი პოეტისათვის კომუნისტური მომავლისათვის ბრძოლის:

“სვანს უნდა ნისლით სული დანამოს,  
მთას მოაშუროს წარსულის ფითრი”

(“გადასვლა გორგაშზე”).

“კომკავშირელო პირბე და რაჟდენ,

უშგულს შრომა და სინათლე იხსნის”  
 (“უშგული”).

“სვანეთი ბარის ცხოვრებას ერთვის”  
 (“უშგული”).

“ჩავა ენგურუში შხარას დიდება”  
 (“უშგული”)

“ზენ სამშობლომ მოგვცა ღონე,  
 გაიშალა სეანის მხრებიც”

(“სვანეთში გაგზავნილი ბარათი  
 კომპავშირელ ქალისადმი”).

კოშკი, როგორც წარსულის ნაშთი, უარყოფილია, სახლი ძველია, ხისა და არ ვარგა. პოეტის შეყვარებული ქალი კარგი მშრომელია, მონაცირეც, თუმცა უწიგნური, მაგრამ ეს არაა მთავარი, ის კომპავშირელია, მომავლის მშენებელი.... აქაა მხოლოდ ახალი ტალღის შემოქროლვა. ამას XX საუკუნის 70-იანი წლების მკვლევარი ახსნის, როგორც პოეტის სიცოცხლის ალღოს გამახვილებით, მწიფობით “და აქ პირდაპირ უნდა ითქვას; გადამწყვეტი როლი ამ მწიფობაში საქართველოს სოციალისტურმა გარდაქმნამ და ალორძინებამ ითამაშა” (ს. ჩიქვანი, 1975, გვ. 6). “ამ დროს ძნელი იყო მიგვესადაგებინა სოცრეალიზმის ჩარჩო ხელოვნების ისეთი დარგებისათვის, როგორებიცაა: არქიტექტურა, გამოყენებითი და დეკორატული ხელოვნება, მუსიკა. ასევე გაუგებარია, როგორ უნდა იხელმძღვანელო სოციალისტური რეალიზმის პრინციპებით ისეთი ჟანრების შემთხვევაში, როგორებიცაა პეიზაჟი და ნატურმორტი” (ნ. გაფრინდაშვილი. მ. მირესაშვილი, 2008, გვ. 233) — წერენ 21-ე საუკუნის მკვლევარნი, თუმცა სიმონ ჩიქვანთან პეიზაჟი და იქნებ ნატიურმორტიც საოცარ კომპაქტურ, მეტაფორულ ფორმაშია გადმოცემული და აქ არ აქვს აღგილი ხელოვნურობას.

გორვაშზე ასვლა პოეტისათვის ახალ, მისთვის უცნობ, ვარსკვლავის საძიებელ მეტაფორულ ფორმაში ისეა წარმოდგენილი, რომ გრძნობ სვანეთის მთების განუმეორებლობასა და სეანი მეტზურის საოცარ სიმამაცეს, ბუნებრივად რომ ეჭიდება ბილიკს და თანამდევ მგზავრსაც ასე მოუწოდებს:

“გზა არ დაკარგო, იცქირე ჩემსკენ”,  
 მეძახის თელხვში ჩაფლული სეანი,  
 ჯანი ჰერი მთაზე ამოსულ ქვესკნელს,  
 და სადღაც დაბლა შრიალებს ფშანი”  
(“გადასვლა გორვაშზე”).

პეიზაჟი ტექსტში ისეთი ცხადია, თვით სეან მკითხველსაც კი მოიყვანს აღტაცებაში:

“ბუნება იხდის ღრუბელს თუ თათმანს”;  
 “ღამე ჩამჭდარა უშგულის გულში”;  
 “თითქოს წინ შხარა ყინვის ცერძია”;  
 “კლდით აფრინდება დიდი არწივი,  
 დაარწევს ფრთებს და გასცურავს ლაშვარდს.  
 მთების კრებული გალობას იტყვის,  
 ჩაჰყვება ინგურს შხარას დიდება,  
 ფერდში დაჭრილი ახტება ჭინვი,  
 და კლდეზე რქებით დაეკიდება”.

ხელოვნურია თუ ბუნებრივი ცალმხრივი, სულიერი სიყვარული მშვენიერი სვანი ქალიშვილისადმი, რომელიც ერთგვარ ერთიან პოეტურ ხაზს ქმნის სვანეთისადმი მიძღვნილი ლექსების მთელ ციკლში? პირბე, რომელსაც პოეტი ხანაც ივლითად მოახსენიებს, სვანი რაუდენის მეულლეა. მან იცის ადათი, მაგრამ სიახლის შუქით ბრწყინავს ოჯახშიც და შრომაშიც, კევრში... პოეტი არ ქმნის პორტრეტს, მაგრამ ლირიკული გმირის სატრფო ისეთი სახოვანია, შედარებებით იგება თითოეული სტრიქონი:

“შენც ფეხშიშველი დადიხარ, ივდით,  
მხარზე გყიდია სავსე ოხარო,  
ირემი ხარ თუ უშველის შველი,  
ფართო თვალს კერას შუქივით ახლი.  
წაბლისფერი ხარ და ფეხშიშველი”;

“სათნოების დას გამსგავსე,  
მთის ფრინველი საოცარი;  
როგორც შაირს, კითხულობდი,  
ავდრის შეთხზულს მაღალ მთაზე.  
გზას ჰყარგავდი, მიგვიძლვოდი,  
და ნისლს სჭრიდა სილამაზე”

(“სვანეთში გაგზავნილი ბარათი...”).

და აი აქ მოულოდნელად ქალღვთავბა დალისთან შედარების მცდელობასაც რომ არ დაუშვებს პოეტი, აღტაცებული აცხადებს:

“აქ არა სჩანს დალის თვალი,  
აქ არ ელავს მისი სახე,  
მაგრამ ელავს სვანის ქალი,  
კომკავშირის სიამაყე”.

შემდგომ უცებ ხასანის ტბის ტრაგედიაც (“ზტრის გასრესა გასახარი და ხმლის ელვა მირანგულას”).

ეს გრძნობა, შორით გრძნობა, რომელშიც მოჩანს ქმრის ეჭვიც, თუმცა უსაფუძვლო, რადგანაც არაა გაცხადებული ტრფიალი ლირიკული გმირის მიერ. მხოლოდ ქმარს მიუძღვის ქალის სინაზე, მაცდური ლიმილი კი ნისლში იმაღება. და შენატრის ბეჭე ქმრისას, რადგანაც ყივჩაღი არ გამოსჩენია, ცოლის წამრთმეველი. და აი თითქმის 18 წლის შემდეგ კვლავ იხსენებს პოეტი “მაშინ მიგბრუნდი და ჩამრჩა ხსოვნაში ცეცხლივით ცელქი შენი სიცილი”.

აქ უკვე ამხელს ლირიკული გმირი თავის განცდას თითქოს და შესთხოვს სვანის ქალს: “თუ გენატრები, ლრუბლებს ჩაუთქვი და მე მეტყვიან ბარში წვიმები” (“ლრუბლებს ჩაუთქვი”).

ს. ჩიქოვანი უცნაური სითბოთი, დელის განცდაში გარდასახული, თავის “იაგნანას” ჰქმნის. აქ დედა ზოგადი სახეა პაწიწინა მარესი, ხოლო ლექსში, რომელსაც “იაგნანას” წარმართული ტექსტის ხაზები გასდევს, ოცნებაა უკეთეს მომავალზე: იყოს ოჯახის მომხმარე, კომკავშირელი, ესმოდეს სოფლის ჭირვარამი, იყოს კარგი მონადირე და მთესველი, გაარკვიოს, ჩასწვდეს, რა სჭირდება მომავალს სვანის და რა უნდა გააკეთოს ამისათვის სამომავლოდ:

“დიდი მთები დარდად გვაწევს,  
ზედ ორბები მიფრენენ.  
თუ არ ინადირებ,

წიგნში ნახე ნახატი.  
იქ გაარკვევ, შვილო,  
რაც გვაკლია ჩვენ,  
გაიგონე ნაპრალის ჩახლეჩილი ღალადი,  
მალე სმენას, მარე, ქარიშხალსაც მიაჩვევ”  
(“უვანური იავნანა”).

ტექსტში ავტორი ურთავს სვანურ ლექსიკურ ერთეულებს: დედე, ღიაღელი, დიფრაბელ, იდამ მედელხი, რომლებიც ორგანულად ერწყმის ტექსტში სალიტერატურო ენას. სხვა ლექსებში ავტორი მხოლოდ მთებს ასახელებს, სვანეთის მთებს: გორვაში, ლატფარი, უშგული, ლაორბი, ტვიბერი... აქ არ გრძნობს მკითხველი გაუცხოებას, ლექსი ლალიბს ამ ლექსიკით.

არის კი “შეკვეთილი ლექსი” სვანეთისადმი მიძლვნილ ციკლში? აქ ჩვეული რეალობაა, 30-იანი წლების სვანეთის რეალობა, რომელსაც უხამებს ებოქის მოთხოვნებს თავისი აუცილებელი ლექსიკით, რომელშიც უნდა ფიგურირებდეს კომკავშირელი ცოლ-ქმარი: პირბე და რაჟდენი.

ლირიზმი სვანეთის ციკლში თითქოს მაქსიმალურია და, ამავდროულად, ძლიერი, გორვაშის მთასავით მაღალი, ზვიადი, რაც განუმეორებელს ხდის “ვარსკვლავის მაძიებელ” პოეტს.

### დამოწმებული ლიტერატურა

**ს. ჩიქოვანი, 1975** — ს. ჩიქოვანი, თხზულებანი ოთხ ტომად, ტ. I, თბ., 1975.

**ნ. გაფრინდაშვილი, მ. მირესაშვილი, 2008** — ნ. გაფრინდაშვილი, მ. მირესაშვილი, ლიტერატურათმცოდნეობის საფუძვლები, თბ., 2008.

### TAMAR GOGOLADZE

#### SVANETI IN THE POETRY OF SIMON CHIKOVANI

In the poetics of Simon Chikovani the main position is given to the cycle of poems “Mountain, let me go”, which also contains the verses dedicated to Svaneti. The big part of the poems are created in 1929 when the poet travelled in Svaneti with the help of Svanetian guide Rajden by name, there he met his future wife - Pirbe, to whom he felt the mysterious feeling and dedicated the selection of poems.

S. Chikovani admires the mountains of Svaneti, their arrogance and beauty; the world of Svanetian guide - expert of steep slopes.

The poems dedicated to Svaneti are characterized with lyricism and enthusiasm towards Svaneti, in this part we don't encounter the author's support towards the political movement of socialists of the 30s of the XX century.